

# Vergleichung. 15

Dann er wol weiß / daß es vns nicht  
hülffe / daß wir Menschen sind / wann wir  
nicht solten widergeboren / vnd eine newe  
Creatur werden. Ioh. 3, 3.

Wann der Mensch nicht solte wider  
geboren werden / so were es besser nie ge  
boren / dann fleisch vnd blut können das  
Reich Gottes nicht ererben. Matt. 26, 24  
1 Cor. 15,  
50.

Darumb macht er vns / die wir tod  
sind / wiederumb lebendig / gebäret vns  
new / durch sein wort vnd Geist. Eph. 5, 14.  
Ioh. 3, 3.

Er gibt vns einen hellen schein in vn  
ser hertz / daß wir wissen / wie reichlich wir  
von ihm begnadet seyn / vnd friede vnd  
frewde in vnserm hertzen empfinden. 1 Pet. 1, 3.  
Ioh. 3, 5.  
2 Cor. 4, 6.  
1 Cor. 2, 12  
Rom. 14, 17

Über das so macht er vns auch  
vollkommen durch die predigt vom glau  
ben / vnd gibt vns in seinem Sohne das e  
wige leben. Coloss. 2,  
10.  
1 Ioh. 5, 13.  
Ioh. 10, 28

Abermal eine sondere wolthat die da  
rühmens werth ist / dann wir können  
vns dißfals nicht rühmen / vnser ruhm  
ist auß / wir sind nichts / ja weniger dann  
nichts. Rom 3, 27.  
Psal. 62, 10.

Wir können vns nicht selber das les  
ben geben / ja nit ein einiges haar schwarz  
oder weiß machen / oder vnserer lenge ein  
ehle zugeben. Matt. 5, 36.  
Matt. 6, 27.

So